

Cyngor Tref Frenhinol Caernarfon

Cofnodion y Pwyllgor Personél, 13/01/20

Yn bresennol: Y Cyngorwyr A.Hopcyn (yn y Gadair), E.R.Hughes, S.Sage

1. Ymddiheuriadau

Y Cyngorwyr E.Lovgreen, C.Williams

2. Datgan Buddiant Personol

Dim

3. Eitemau Brys (Cadeirydd / Clerc)

Dim

4. Materion Staffio

Nodwyd y canlynol:

- (1) Bod Gwyneth, Gweinyddwr y Cyngor ac Ysgrifenyddes y Maer, yn ymddeol ddiwedd Chwefror.
- (2) Bod angen edrych ar sut swydd fydd yn cael ei hysbysebu yn ei lle a cyflwynwyd y canlynol i'r pwyllgor:
 - Swydd Ddisgrifiad ar gyfer Gweinyddwr y Cyngor ac Ysgrifenyddes y Maer.
 - Swydd Ddisgrifiad ar gyfer Dirprwy Glerc. Nododd y Clerc ei fod wedi llunio hwn yn dilyn trafod efo cyngorau eraill.
- (3) Y cyflwynwyd hefyd gopi o'r graddfeydd cyflog.
- (4) Y bydd angen argymhelliad i'r Pwyllgor Cyllid yn ei gyfarfod ar y 23ain o Ionawr, er mwyn gwneud argymhelliad terfynol i'r Cyngor Llawn ar y 4ydd o Chwefror. Yn dilyn hyn gall y trefniadau o ran hysbysebu gael eu gwneud.
- (5) Ar y funud roedd Gwyneth ar raddfa LC1 Band 19, ond ddim yn gweithio llawn amser.

Trafodwyd yr opsiynau o ran y math o swydd i'w hysbysu, y math o newidiadau y gellid eu gwneud wrth symud ymlaen ac yn lle dylai'r hysbyseb fynd.

Dosbarthwyd y strwythur staffio mewn Cyngorau Tref agos a chyffelyb.

Penderfynwyd argymhell i'r Pwyllgor Cyllid y dylid:

- (1) **Derbyn y Swydd Ddisgrifiad / Manyleb Person ddiwygiedig ar gyfer y swydd Dirprwy Glerc (Atodiad A) fel y swydd y dylid ei hysbysebu.**

- (2) Hysbysebu am swydd Dirprwy Clerc Llawn Amser ar raddfa cyflog 18 – 23, gyda'r hyblygrwydd i'r ymgeisydd llwyddiannus ddechrau ar ganol y raddfa os ar gyflog cyffelyb yn barod.**
- (3) Y dylai'r Panel Penodi gynnwys y Cyngorwyr W.Tudor Owen (fel Maer), C.Williams (fel Cadeirydd y Pwyllgor Personél), M.Sarnacki (fel Dirprwy Faer) a'r Clerc (dim pleidlais).**
- (4) Gofyn i'r Cyngorwyr I.C.Thomas, W.L.Davies ac E.Lovgreen fod wrth gefn (er mwyn sicrhau fod un benyw ar y panel).**

Gorffennodd y cyfarfod am 6.45 p.m.